



Rasvijetljeno više krivičnih djela razbojništva

Dana 27.12.2021.godine u 17,35 sati, obaviještena je dežurna služba Treće PU da je u ulici Džemala Bijedića, općina Novo Sarajevo, od strane NN lica izvršeno krivično djelo razbojništva nad uposlenicom u prodavnici “Merkator”. Tom prilikom maskirano NN lice je uz prijetnju pištoljem, otuđio određenu sumu novca, a zatim se udaljilo u nepoznatom pravcu. O prednjem je obaviješten dežurni tužilac Kantonalnog tužilaštva Kantona Sarajevo. Uviđaj na licu mjesta su obavili policijski službenici Uprave policije MUP-a Kantona Sarajevo. Radeći na rasvjetljavanju pomenutog krivičnog djela, policijski službenici Četvrte PU su pomenutog dana u 20,35 sati u ulici Kenana Demirovića, općina Novi Grad Sarajevo, zaustavili i kontrolisali putničko motorno vozilo marke “Fiat Punto”, kojim je upravljao vozač H.P., rođen 1986.godine u Sarajevu, gdje je i nastanjen. Izvršenim provjerama utvrđeno je da je za navedenim licem raspisana operativna potraga. Prilikom pretresa kod istog je pronađena i oduzeta određena suma novca i jedan par patika. Na osnovu Naredbe Kantonalnog suda u Sarajevu izvršen je pretres predmetnog vozila, kao i pretres sobe koju H.P. koristi u pansionu na području općine Novi Grad Sarajevo. Tom prilikom je pronađen i oduzet pištolj sa natpisom “Zoraki” sa okvirom i šest metaka cal. 9 mm i odjeća koja je korištena prilikom izvršenja krivičnih djela. U toku kriminalističke obrade utvrđeno je da je H.P. u proteklom periodu na području općina Novo Sarajevo i Novi Grad Sarajevo izvršio više krivičnih djela iz člana 289. KZ F BiH (Razbojništvo). Isti je lišen slobode i predat u prostorije Jedinice za osiguranje objekata i zadržavanje osoba lišenih slobode MUP-a Kantona Sarajevo. Policijski službenici nastavljaju rad na dokumentovanju kriminogenih aktivnosti navedenog lica.

28.12.2021